

کردستان

سالیك ۲۰۰ شش مانك ۱۲۰
۳ مهان ۷۰ قروشانه .

سنه لى ۲۰۰ آلتى آلتى ۱۲۰
اوج آلتى ۷۰ فروشدر .

سیاسی ، اجتماعی ، ادبی ، علمی اسبوعی ومستقل الفکر بمجموعه در

BELEDIYE
KÜTÜPHANESİ
No. 0/354-8

مندرجات

محرر	لسان	مقالات
محمد مهر	تورکجه	مستر آرتور پوت وود حضرت تلمیینه فضولی جواب
ابن الرشید	»	وضعیت عمومیة اکراده بر نظر
لاوی دلال	»	عائله اقوام
محمد عثمان	»	کوردلک و کوردستانی یشاته بیلیمک
توفیق ح	»	کورد (هی وی) طلبه جمعیتک احیاسی
عبدالواحد	»	کوکل ایسترکه ! . . .
م. سلیم بکی	»	بر حقیقتی تنویر
محمد شفیق	هرابجه	باسمه سبحانه
یاملیکی زاده : م.	کوردجه	ای کلی کردان
کا که حه	»	شینا ملا حمزه خدی بهیلی
کوردستان		شئونات: شریف باشا حضرت تلمیینهک تاخرانی تورکجه

نسخه‌ای پنج قروشانه

نسخه‌سی ۵ فروشدر

نیم استقبال مطبوعه‌سی

TDV İSAM
Kütüphanesi Arşivi
No 2E.1134

سر محموری :

ارواسی زاده : محمد شفیع

مسلكمزه موافق مقلاتی مع المنونیه
درج ابدرز .

کرستان

صاحب امتیاز و مدیر مسئول :

محمد مہری

درج اولونمایان آثار اعاده اولونماز

هفته‌ده بر دفعه نشر اولنور

۲۹ مایس ۱۳۳۵ عدد ۸

پنجشنبه

۲۸ شعبان ۱۳۳۷

برنجی سنه

مستتر (ارتور پوت وود)

حضر تلرینه فضولی جواب

۴

ایکینچی سوال — بو دین فکر و حیاته
نهلر بخش اییدیور ؟

ایکینچی سوالک جوابی — بو دین مبین ؛
عدل ، احسان ، اقربا ، قومه شو و بتون انسانلره
قارشلی — مقدار اقداره کورده — هر کونه معناه ناته
بولونمغه امر و کافه افعال قیحه و مضره و بالخاصه
بنی و طغیاندن نهی و روحک بقاسنی و بعث
بعالموتک ثبوتنی تلقین و افرادناس آره سنده
اخوت ، مساوات و مودتی تاسیس و تکبیر ،
حرص ، طمع و مضر تمایلاتی تقلیل و علم ،
معرفت و تجارتی ترویج و حسد ، بغض و نفاق
رفع و الحاصل بتون نواقص ؛ و نقائص مقدس ،
معقول ، منطقی و هر جهته مفید بر طاقم تدابیر
سماویه ایله دفع بیوریور .

شو مذکور فضائل ، فواضل ، مزایا
و فوائدی حاوی دین ایسه فکره فوق التصور بر
استقامت و حیاتی بی حد و بی پایان بر رفاه و سعادت
تأمین اییدیور .

جوابک خلاصه سی بودر . بو جواب علمی
بر عملیه اولوب صفرا ، کبرا و نتیجه دن مرکب
برقیاس منطقی در . بو قیاسده سابقا عرض
ایتدیکم وجه اوزره نتیجه نک صدق و کذب
موضوع بحث اوله ماز . صدق و کذب موضوع
بحث آنجق صفرا و کبرادر . بناء علیه صفرا و کبرانک

اثباتنه علی وجه الاختصار ابتدار اولنور .

(صفرانک اثباتی) [۱]

صفرا ، شودر : بو دین عدل ، احسان
الح ... دفع بیوریور . شو صفرانک اثباتی ،
صفرانک محتوی اولدینی جمله ، جزء و مدعالتک
اثباتنه و بو اثبات دلائل نقلیه نک نقلنه متوقف
اولدینی ایچون لف و نشر مرتب طریقیه
بر وجه زیر دلائل نقلیه بی نقل اییدیورز :

(ان الله يأمر بالعدل والاحسان و ایتاء
ذی القربى و نهی عن الفحشاء و المنکر و البغی) [۲] .

(۱) هر کسجه معلومدرک : بدیهی اولمیان بر دعوا
بهه حال اثباته محتاجدر . اثبات ایسه یا دلائل عقلیه ،
یا خود دلائل نقلیه و یا خود دلیل عقلی و دلیل نقلی ایله
قابلدر .

بالاده مسطور دعوا من (صفرا) یالکیز نقله مستند
اولدینی ایچون یالکیز دلائل نقلیه نک سردینه محتاجه .
زیرا بز دین اسلامده عدلک مأمور به اولدینی ادعا
ایدیورز . بو ادعایک اثباتی ایچون دین مبینک اساسی
تشکیل اتمش اولان آیت کریمه و احادیث نبویه دن
بری شومده انک اثباتی ایچون کافی و وافیدر . فقط ،
دین اسلامده طلاق ، تعدد زوجات و اسارت کبی شیلر
وارددر . بونلرده دل وارمیدر ؛ کبی بر طاقم اعتراض
و سوألره منابله ایته بز دلائل نقلیه ککل بالمکس
دلائل عقلیه ایله مجهر اولارق دین فرای احمدی
(علیه السلام) نک علو و شرفنی و کمال و عدالتنی اثبات اتمه من
لازم کایور . نته کیم لله الحمد (ریاض الانظار) نام اثر
عاجزانه ماده اک شدید اعتراضلری خفیف بر صورتده
دفع و حقیقی ککل وضوح ایله کورستمشم .

(۲) باتأکید حق سبحانه و تعالی (عدل) نامیله
معروف حرکات ، سکونات ، افعال ، اقوال ، اغراض
و تشبثاتک کافه سنه طالب و (فحشیات) ، (منکرات)
(بنی) لفظلریله مشهور شیلرک جمله سندن ناهیدر .

حقیقته بحق واقف اولمق املنده بولسانلره یانفسیر کبیر ، یاخود (ریاض الانظار) نام اثر عاجزانه مک مراجعتی عرض اییدیورم .

دینک که دین مبین اسلامده کور کورینه تقایدایتک ، جهالت ، غفالت و اغفال قراکقلزنده بویان اولمق جائز اولمدینی کبی معقول ، مفید و مشمر اولیان برشی دین اسلامک عناصر اصلیه ، ارکان حقیقیه و ساحه پاکنه داخل اوله ماز ! . حشر بعد الموت ایسه : عالم اسلامده وبالخاصه مجالس علم و علماده (مزلقه الاقدام) اوله رق جای مناقشه و منافسه و حتی موجب تکفیر اولمشدر .

فلاسفه اسلامیه و صوفیه نک فکرینه کوره حشر وارد . نقط حشر دن مقصد حشر روحانیدر . حشر جسمانی دکادر . جمهور علما ایسه : آیات واحادیث کریمه و صحیحه نک ظاهرینه اتباعاً حشر جسمانینک موجودیتنه قائلدرلر .

بزبورادده شومسئله نک تحقیقیه علاقه دار دکاز . زیرا : موضوعن دن خارج برمسئله در . بالخاصه تکفیر و تفسیقینه یناشمق پک خطرلی اولدیغندن (عفی الله عما سلف) دییه کچر و : ولناس فیما یعشقون مذاهب موجنیجه اهل اجتهاد حقنده اطالیه قلم ایتمیوب بالعکس سکوت ایدهرز .

بخدمتله علاقه دار آنجوق روحک بالاتفاق بقاسی و حشرک (ایستروخانی ایسترجیمانی) موجودیتیدر . بویاکی قناعتک بخش ایدهجکی مهم . معنیدار و علوی فواید مادیه و معنویه نک تفصیلی ؛ اثبات کبرا مبخشنده عرض ایدیله . جکدر .

اخوت ، مساوات ، مودت الخ . . حقنده وارد آیات کریمه واحادیث نبویه نک نموندرلی بونلدر :

(اعدلوا هو افر ب لل تقوی) . [۳] (وبالوالدین احسانا و بذی القربی والیتامی و المساکین و الجار ذی القربی و الجار الجنب و ابن السبیل و ماملکت ایمانکم) . [۴] (قوله علیه السلام : انما بعثت لاتمم مکارم الاخلاق) . [۵] (المسلم من سلم المسلمون من لسانه و یده) . [۶] (لایومن احدکم حتی یحب لایه ما یحب لنفسه) .

حشرک تحقق و روحک بقاسنه کلنجه : دین اسلامده روحک بقاسی متفق علیه اولوب ضروریات دینیه صره سنه و اسل اولمش ایسه ده روحک حقیقت و ماهیتنه دائر متعدد و مختلف اجتهاد ، فکرو نظریه لر در میان و بیان ایدلمشدر : علمای اسلامک ظاهر پرست قسمنه کوره - کویا (قل الروح من امر ربی) آیت جایله سنه امثال ایدیورلر مش - روحک ماهیتی مجهول و حقنده اجاله قلم و تعمیق فکر غیر مقبول و بلکه ده حرامدر . بوفکر اسلامره وبالخاصه علمای اسلامه یاقیشمدینی کبی دین اسلامک مزایا ، فضائل و فواضل عالیه و علویه سیله قابل تألیف اوله مدیغندن جمهور علما ، روحک حقیقتنه دائر متعدد و مختلف فکر و اجتهاد لر در میان ایتمشدر . امام المفسرین اولان امام رازی (رحمه الله) جمهوره و دین حقک حقیقتنه تبعاً تفسیر کبیرنده مذکور اجتهاد لر ذکر و محاکمات فاضلان سننی بیان و آیت کریمه بی تفسیر و تبیان و ظاهر پرستلرک فکرینی جرح ایلمشدر . بو

(۳) سزعد لتکار اولکنز . زبر اتقوا ، تهذیب اخلاق و صلاح حالک الک یکانه سبب واک یقین بولی عدالتدر . (۴) والدین و اقربا ، یتیم و یتیم و بیگسلر ، فقرا ، یتیم و او زاق قومشولر ، مساکداشدر ، مسافرلر و کوله و جاریه لر یکز حقنده احسان ایدیکنز ! . زیرا مذکور صنفرله باقیان و اولنره قارش تفاخر و تکبر صورتیه کندیسنی کوستره نر الله تعالی هندنده محبوب اولمازلر . (۴) ترجمه سی یکمشدر . (۵) (۶) یکمشدر .

(انما المؤمنین اخوة) [۱] (لایوبون
احدکم الخ . .) [۲] (لافضل لقرشی علی
حبشی) [۳] (انما کریمکم عندالله اتقیکم) [۴]
(ولا تمس علی الارض مرحا انک ان تخرق
الارض ولن تباع الحیاة طولاً) [۵] (ومن
یتق الله یجعل له مخرجاً ویرزقه من حیث لا تحسب)
[۶] (ولا تتبعوا خطوات الشیطان انه کان لکم
عدواً مبیناً) [۷] (یرفع الله الذین آمنوا منکم
والذین اتوا العالم درجات) [۸] (قل هل
یستوی الذین یعلمون والذین لا یعلمون) [۹]
(واذ قضیت الصلوة فانشرُوا فی الارض وابتغوا
من فضل الله) [۱۰] (ربنا لا تجعل فی قلوبنا

(۱) مؤمنلر آنجق فردش درلر . دیمک که دین
اسلامده (قانت) ، زاده کان اصولی مرد دردر .
(۲) کچک، شدر . (۳) عنصر عرب میاننده اوج معالی
و شرفه و اصل قریش قبیله سنک بر فرد محترمی ، قوم
عرب آره سنده - هر نادن ایسه - حقارتله معروف
حبش اهالی سنک بر فردی اوزرینه - عرق اعتباریله -
ترجیح و تفصیل ابدلر . (۴) الله تالی نظرنده البته
اک کرمیکر ، اک وارع و اک تقیکر دردر . (۵) بر
اوزرینه فافاکی فالدیروب ، آباغنی باصدیروب عجب ،
کبر و بیبوده فرح و سرور لرله کزومه . زیرا : سن ،
طبقات ارضک خرخته مقتدر و جبال مرتفعه نک فوقته
و اصل و شو عالمده کی قوانین الهیه نک خلافته اوله رق
هر باده کامیاب والی الابد باقی اوله مازسین ! . (۶)
الله تالی نک اوامر و نواهی فدسیلرینه توفیقاً تقوا
دائرة سندن چقیمیا نلره الله تالی کافی بر مخرج خلق
ایدر و مذکور متقی نک خاطر و خیالنه کلیان و هیج امید
ایتمدیکی امور و محارندن مستفید و مزروق قیلیر .
(۷) شیطان و آرزوی نفاک آثارینه تابع و اختیار
ایلدیکی بولی تعقیب ایتمه یکر . زیرا شیطان و نفس سزه
دشمن همه عداوتی نک واضح بردشمندر . (۸) الله تالی
دین و دنیاچه مؤمن و کندیلرینه علم و عرفان انعام
بیورلش اولانلری رفیع القدر اتمشدر . (۹) سوبله :
باقالم : عالم اولانلره عالم اولمیانلر مساوی اوله بیلمیری ؟
(۱۰) شو آیت کریمه نک خلاصه سی بودر : دائماً
صنعت و تجارت کزله اشتغال ایلدیکر . آنجق جمه کونی
اذان زماننده بیی برافیکر ، جاهه کیدیکر و نوزک

غلال الذین امنوا) [۱۱] (کونوا عبادالله
اخواناً) [۱۲] (یدالله مع الجماعة) [۱۳]
(واعتصموا بحبل الله ولا تفرقوا) [۱۴] (اطیعوا الله
و اطیعوا الرسول واولی الامر منکم) [۱۵]
(ولا اقتصر من اقتصد) [۱۶] (کلاوا و اشربوا
ولا تسرفوا) [۱۷] (اذا وسد الامر الی غیر
اهله فانظروا الساعة) [۱۸] (ومن یتوکل
علی الله فهو حسبه) .

والحاصل صغرا ده عرض ایتمدیکم شیلر
عندی اولیوب بالعکس آیات کریمه و احادیث
صحیحه ایله ثابت و دین اسلامده معروف شیلر دردر .
ایشته متعدد دلالتک نمونه سی ده باکمال اختصار
عرض ایتمدم . فقط مذکور شیلر مفیدی ؟
مفید دکلی ؟ یا خودادیان سائره و مدنیت حاضرده
و ارمی ؟ بوقی ؟ و ارایسه هانکیسی ده
معتقول و دهام کملدر ؟ کبی وارد سوال لک جوابی
اثبات کبرا مبحثنده کمال وضوحیله عرض
ایدیله جکدر .

محمد مهیری

ختامنده جامعدن چیقوب برك هر طرفنده تجارت و صنعت
کبی اسباب مفیده واسطه سیله الله تالی نک فضل ، احسان
و انعام جایله لرینی طلب ایلدیکر .! (۱۱) یاربنا ا .
مؤمن اولانلره قارشی قیلر سزده (ولو غیر اختیاری اولسون)
حسد ، کین ، بغض کبی فنا شیلری خالق ایتمه ا . . .
(۱۲) الله تالی نک قوت و قدرت کامله لری جماعتک
مقوی و مؤیدیدر . (۱۳) الله تالی نک خلق ایتمش
اولدینی معنوی علاقه و رابطهلرله تمسک ایلدیکر و منفرد
اولمیکر . (۱۴) الله تالی و الله تالی نک نبی ذیشاننه
وارنوالامر - ماده و یا معناً اولوالامر - لریکرزه
اطاعت ایلدیکر . شو اطاعتک حدودینی اثبات کبرا
مبحثنده عرض ایدیلر جکدر . (۱۵) قوانین اقتصادیه
مطیع برکیمسه فقیر اولماز . (۱۶) به یکر ، ایچکز
فقط اسراف ایتمیکر . (۱۶) اهل اولمیان کیمسهره
ایشلرک توفیقی زماننده ، هر کونا انقلابک زمان حلولنی
بکله یکر .! (۱۸) عالم اسبابی اونوتماق شرطیله
الله تالی نک مواطف و لطائفه متوکل کیمسهره الله
تعالی کافیدر .

وضعیت عمومی اکراده بر نظر

-- ۱۱ مایس ۱۹۱۵ حیدر پاشا --

وضعیت حاضر عالم مواجیه سنده کرد
افکار عمومی سنک احضاری ، کرد ملتک
حیات مستقبله سی نقطه نظرندن نه قادر ضروری
و مهم ایسه (کرد مهاجر لری) نک اصلاح
حالی و یوردلرینه لزوم اعاده لری ده اونستنه
ضروری و حیاتی در . بومسائل یا لا کنز کردلری
و حکومت عثمانیه بی دکل ، بوتون افکار نجیبه
انسانیه بی اشغال ایده جک بر ماهیته در . او
درجه ده که ، وطنک ، نفسک مقدراتی موضوع
بحث اولان بر ملتک ، ملی قوتلرینک انضمام
معاونتیه رأینی آلمان ، بر میلون کسور شهیدک
خاطره الیمه سی سفیل و سونمش او جاقلرنده
صاقلایان کرد ملتجیلرینی بو حساب ملی به
اشترک ایتدیرمادن ، مقدرات جهانک آنجق
ملی قوتلرک عنان فیاضه تودیع ایدلیکی بر
عصرده کرد ملتته بر محیط حرث و انکشاف
حاضر لامادن ، ولوبعید بر آتیده اولسین ،
چار اقطار عالمه چار پیشه جق مهیب قوتلرک
قورقونج تاثیراته قارشو کردلری آمین وسالم
بر وضعیت مظهر ایتدن . . تاسیس ایدیه جک
صالحک صدق و عدلنده قلوب خالصه اصحابی
نه قادر دوچار اندیشه اولسه بجادر .
اساساً کرد ماتی ، عصر لردنبری مصائب
ومزاحم انچرو سنده پویا در . بوسبیلهدر که ،
استقلالندن ، اقبالندن اولمشدر . عرب ،
عجم ، تورک مدنیتلرینه یوکسک انموذجر ،
امثالسنر شخصیتلر ویرن ، آسیانک بوذکی
وچالاک عنصری نه قادر آجی اولسه ده اعتراف
ایده لم که ، بو کون الیم بردر که پریشانیددر .
بونی اعتراف ایتکله برابر ، شونی ده اونوتما .

مالیدر که ، کرد بو وضعیتندن قور تولیه جق بر
فطرت و قابلیتده دکدر . ذاتاً ، حیات و بقاسنک
اک اساسلی استناد کاهلرندن اولان فطرت
و قابلیتک درجه قوتی ، کرد ماتی ، کندوسندن
هرشیدک اسپر که نمش اولدینی زمانلرده دخی . .
آراس وادیلرینه ، حیانه اووالرینه ، افغان
داغلرینه ، آظنه ایللرینه ، بحرسفید قیلرینه ،
استانبول ، رومانیاء ، آمهریقا ، دارالمساعیلرینه
آثار حیات طالشیمقله کوسترمشدر . جالب نظر
دقتدر که ، کردستانک اکثر قصباتی - ولوقدیم
اولسین - دارالصناعه لرله دولودر . بورالرده
کرد اصحاب مساعیمی طرفندن ایشله بن منسوجانک
نفاست و متاتی اربانجه معلومدر . حتی کردلر ؛
لوازم حیاتیه لرینی ، هیچ بر احتیاج نقصان
اولماق شرطیله ، شیمدی به قدر کندیلری
تأمین واستحصال ایله مشلدر . کرد خالیلری ،
کرد آنلری بازار عالمه اولدقجه رواجلی بر
موقع اقتصاد احراز ایله مشلدر . هر سنه
میلونلرجه اغنامی حابه ، طربزونه سوق ایدن
کرد تاجر لری ایدی . بالذات کرد کویلو سنک
کندی دست مساعیمی ایله استحصال
ایدوب بویوک تجارت کاهلره یوللادینی مواد
ابتدائیه (مازی ، میان کوی ، صمغ ، جوز
کوتوی ، انواع دریلر ، حیوانات وحشیه
پوسته کیلری ، یوک ، قورو میوه ، ساده یاغ
وساژه) قابل اہمال بر قیمت و کیتده دکدر .
قدیم مدنیتلرک وارثی بولونان کردلر قابلیت
زراعیه اعتباریله قومشوملتلرک هیچ بر بسندن
کیری قالمقله برابر بعض نقطه لرده احراز
تفوق دخی ایلرلر . چیفتی ، بشریتک بونجیب
مشغله سی کردستانک ایصسنر طاغلرینه ،
کوزل وادیلرینه نقل ایدن ملت کردلردر .
ارحیش - ملاز کرد اووالرینده یتشدیر یان بیاض

تأمین ایده بیامک و عالمک نسیم حیات بخشاشندن
استشام ایتک احتیاج شدیدیله عینتاب، مرعش،
کلیس اوزرندن محرسفیده دوغرو اینمشاردور.
بوشکل اخیر مهاجرت، کردلری و کردرستانی،
بحرسفیدک قدیم و فیضدار قوجاغی اوزرنده
پارلاق براستقباله نامزد قیلیور.

ابن الرشید

عائله اقوا

درد سهدن بری دوام ایدن حرب عمومی
تاریخ حربه اک فخیع، اک سفالت انکیز بر
مجادله قیدیله هایت و بردی. شمیدی. قدر
هیج بر مجادلهک، هیج بر طوفانک. و فنی
اولامدینی عظیم بر کتله انسانی بی متل حرص
و انتقامه سرروکله ی. یالکز بونکله قالیور،
باشادیمز و یشامشلی او قودیمز ادهار
بشریتمده خاتمه چکیور. بوسطرلری یازدیغمز
زمان دور مستقیل اولادی اوله رق هیمز
کنج، اختیار یکیدن دوغوروز. دوغوروز
دیورم چونکه یکی بر دوره یکیدن داخل
اوله جغز ایچون باشادیمز کونلر اسکی دورله
برابر قیامت اوله جتدر.

دور جدید؛ بوتون احترامات ماضیه
فوقنده دیگر بر حرص، باشقه برمفکورد ایله
باشلابور. ابنای بشر هانکی قومه منسوب
ایسه، هانکی شعبه لسان، عائله مایت ایچنده
دوغمش ایسه رفاه و سعادت، آلام واضطرابی
او جمعیتک سینه سنده بوله جتدر. حریت
شخصیه سی، سعادت، بناکی، موقعی مفطور
بولدینی مانک عائله اقوام آردسندکی موقعیله
تعین ایده جتدر.

بشریت؛ تاریخ خلقندن بری یکیردیکی
حادثاتک قوانین اجتماعیاتک - کندیسنجه -

دها مسعود بر صفحه سنه واصل اولیور.
یکی عصرک مفکوره سی؛ اقوامی بر فرد
و بشریتی بر عائله تانی ایدیور. مقدرات عمومی
میله شمیدی به قدر اولدینی کبی بر حکمداره،
بر ملته، بر فرقه سیاسییه دکل بوتون عالم
انسانیه تودیع ایدیور.

بوکا و صولک ممکن اولوب اولامیاجغی
وبو تشبک ندرجه به قدر بر حسن نیته مقرون
اولدینی استقبال نره کوستره جتدر. دوشونجه من
بو عائله محیطی خار جنده قاله جتدر که استقبالیدر.
انسانیت بنور همجنستی عین شفقت و محبتله
سودسک درجه تکاملی بولامشدر. مذهب،
مایت، اقتصاد، حرصلریک عیجاق تانی دها
بر چوق زمان دامر لرنده دوران ایده جتدر.
هردیو غرضدن کسب زاهت ایتش انسانلر
یوق کی در. شمیدی محیطلری تدقیق ایدلم.
چونکه اورتیه آتلان بو دلمورمک
اسکاتی مرور زمان ایده نشورنمای، جانلامه
باشلایه حق فقط شمیدیکی کبی قولاینقله حلول
و انسابه آجیق بولنمایه جتدر.

زمانک بخش ایتدیکی مساعده یکرمی ملون
- بایک دهه فضا - قرانلریک فجاجتی اوکنده
بشریتک شمیدی نارکله شهن، مشفق اولان قابی
قارنینه هر قوم کریمه تأثرینی ایشتمیرد بیایر،
بو آنجق بو زمان ایچوندر.

بو حقیقت بوتون عربانایله قارشیمزده
ایکن دهه حریتیز ایچون لاقید یولنیوروز، بزه
دوشن وظیفه تشنت افکاردن احتراز ایتک؛
اورویامواجه سنده بزنی مدافعه ایدن مرخصلر.
مزک ظهیری اولمقدرکه: آنجق بوزره حریتیزی
اعاده ایده جک و بزنی عائله بشریتک فضیلتکار،
بر فردی اوله رق قبول ایتدیرم جتدر.

رزنجی زاده

عبد الوحد

✕ کوردلک و کوردستانی یشانه بیامک

بدبخت ملتره آجیلان بوامتحان عمومیده اهلیت کوستره بیله جک اولان ملتره اقتدارلری حققری داخنده برامتیازده، این برحیات وسعادته نائل اوله جققدردر. ماتلرک اک مغدوری اولوب حقوقنک مدافعه سی ایچون یورواق بیامز بر غیرتله چالیشان کوردلرده بوامتحانده کوستره بیله جکاری اقتدار، اثباتنه موفق اوله جققری حقوقلری تختنده بیوک پک مقدس بر حیاته نائل اوله جققری شبه سزدر. فقط کوردلر اولمقدس کوردستانک حیاته نائل اولدقاری وقت آنی یشاتمغه موفق اوله جققرمی. ایشته اک زیاده اهمیتله دوشونولمکه شایان نقطه ! . .

غدا سز هیچ بر کیسه یشایه میه جفی کبی معارف سزده هیچ بر مملکت، بر ملت یشایه باز. مع الاسف کوردلر مملکت، ملت غداسی اولان معارفی شیمدی، یه قدر لایق اولدینی اهمیتله دوشونممش یا خود مفید برشی وجوده کتیر مکه موفق اوله مامش لدر. بناء عالیله بو حیاتی احتیاجک نقصانی کوردلک و کوردستان حیاتنک ادامه وانکشافنی مشکل کوستر مکده در. او حالده اوله جق هنوز طوغمه مش فقط طوغمه سی قوه قریبه یه کلش اولان کوردستان بر قاقچ کونلک ایکن اوله جکمکی؟ معاذالله اوله بر فلا کتک وقوعی حالده بتون کوردلر قائل اولایه جققرمی؟ بتون کوردلک انتخار ایتیه جکمکی؟ کوردلک حقیقی، ملیتیه مربوطیتی پک قوتلیدر. فقط کمال تأثیر ایله شونی ده سویلک ایسترم که برایش میدانه کتیر مک ایچون دواملی برسی کوردلرده موجود دکلدر. دواملی سعیک عدم مودتی ایله درکه کوردلک سنه لردنبری پک چوق آجیلر، فلا کتلیر کچیر مشدر. — اسارتک پک چوق آجیلرینی چکن ؛

فلا کتلیرینی کچیرن کوردلک؛ شیمدی بتون قوتیله قورتلغه چالیشیور، جیالیور. فقط بو چالیشمه لرده بعض نقصانلر واردر که اونقصانلر شیمدین تأمین ایدلر ایسه بتون بو شیمدیکی چالیشمه لرک جیالامه لرک هپسی نهایتده بوشه. کیده جکدر. بونک ایچون هنوز وقت کچمه مش ایکن کورد منور و کنجلری برلشهرک دواملی برسی نی وجوده کتیر ملی و اوقوته استناد ایدرک کورد معارفنی تأسیس ایتیلدرلر. معارف ایسه هر شیک مولدی اولدیغندن بتون نقصانلری رینه قوممقدمه کیسه هیچ بر مشکل و مانعه یه تصادف ایتیز. کوردلک و کوردستان، حیاتنک ادامه و انکشافنی ایچون محتاج بولندینی غدا ده احضار ایدلش اولور.

بدرخان

محمد عثمان

✕ کردهی بی طابه جمعیتنک احیاسی مناسبتیه

بوندن بدی سنه اول بر آوج کرد کنجی، کرد عرفانک انکشافی و تکاماته کرد ماتنک ترقی و تعالیسنه چالیشیق املیه کرد هی وی طابه جمعیتی، تشکیل ایتشلردی. بوعلوی مقصد اوغرنده چالیشان صاحب عنزم و همت کنجلرک و بالعموم کرد طابه و منور لرینک کوستردکاری همت و فعالیتله هی وی از زمانده کرد حیات هر فانی ایچون مدار استناد و استقبال ایچون امیدنجات و یردهجک بر مؤسسه حاله کیرمشدی. اسویچر ده آچدینی شعبه ایله موجودیت و موفقیتی مدنی مملکتلرده ده کوسترمش و هر طرفدن تقدیر ایله قارشیلانمشدر. او زماندنبری بوجعیت؛ دماغلرنده علم و عرفان، قلبلرنده عشق و وطن یاشایان کرد

کردستان بوکون وحوشی بیله اور کوته جک بر خرابه زاره دوندی . تورکیایه التجا ایدنار یوزده طقسان بش آجاقدن اولدیلر [۵] ومع الاسف اولمکده بردوامدرلر . حاصلی کردلر ، بویله الیم وفجیع بروضعیت ایچروسنده بر بچق میلیون متجاوز قربان ویردیلر . سسارینی چیقاره مادیلر ، انیلرینی ، حالاً بیله اولسین ، ایشتدیره مادیلر . بوکون اورته ده سفیل ومختصر ایکله ییلر ،

بی آدم اعضای یکدیگرند

منطوق علویسنجه بشریتک برعضویدرلر . بویارالی عضوی صارمق ، وطنلرینه متحسر بیکرجه انسانی ، امثاللری مثللو ، تعمیرایدلمش یووالرینه اعاده ایتک . . شوویا بوزمره دن زیاده انسانیتک شفیق وعدالتکار ائنه یاقیشیر .

کردلر حقنده شیمدی یه قدر ، مع الاسف صریح بروضعیت آلامش اولان حکومت حاضره محترمدن ، بو ته ایتکدنک دفعی وکردلرک اک ابتدائی حقوقنک محفوظیتی نامه اولسین ، هیچ اولمزسه بومسئله ایله توغل ایتک اوزره تشکیل ایدلمش اولان قومیسینونه ، جاب ایدیان اطفالک تعیین هویتی خصوصنده ، کردجه متکلم بر ذاتی ده ترفیق بویورسینلر .

(۶) بورا جقده ، کردمشایخ ومتهرباننک وکوباوننک هر قاپودن قوغولدیفی رزمانده اوناری تطیب وآهلات ومعاونات واسمه ابراز ایلان آظنه والی اسبقی جودت بی نوتیتی کرد وفاکارلغنی انکار دیمک ولور . مشارالیه درتروز سنه لک مشترک تاریخده کردلرله مألوف معاشرت اولمش ، اونارک احتیاجات و تمایلاتنه وقوف واطلاع بیدایلش بیکانه رجل دولتدر .

عبدالجید بکاردن [۴] . . حاصلی هیچ بریسندن بحت ایتک ایسته مم . یالا کز براسمک اطرافنده یار واغبارک جمله نی عدل وانصافه دعوت ایتک ایسترم ؛ مصر سلطانلغی برطرف ، (روادی) قیبله سی رؤسایندن «صلاح الدین ایوبی» حضر تلری !

اوزاقلره کیتمه یه نه حاجت ، اک عاجز تخمین ایدیان بر کردک قابنی یوقلایکیز ، اوراده بردفینه حماسه وجلادت بولاجقسکیز . روحنه تماس ایدیکیز ، یوکسک بروقار ، قوی بر اعتماد نفسه شاهد اوله جقسکیز . . بوتون بونلرک فوقنده ولوده مستتبا بر ذکا ، هر وعدی تأمینه ، هراملی تطمینه ، هرخیالی تقریبه کافی بر قوت وماهیته ددر .

وهرسایک مشعشع سالونلرنده ، احتیاجات بشری مدرک ، سماپایه برعزم ومثانته مقدرات بشری تنظیمه مأمور اعزّه نائمه ظفردن ، چوقوامیدوتمی اولونورکه ، کردلری داغلرندن ، داغلرینی ، وادیلرینی کردلردن ، موقه اولسین ، نزع ایده جنت قرارلر اتخاذا ایتسین !

کذا ، جمعیت اقوام میاسندکی موقع شرفنا کنی احراز ایدنجیه قدر ، محروم استناد اولان بوماتی حمایت رسخا بتارینه مظهر ایدرک موجود ومکنوز بوتون قواو قابلیات مایه سنی آنجق علم و فن ، زراعت و حرفت ، صنعت و تجارت خصوصاً آنه صرف ایدله جک بروضعیت نائل ایتسینلر اساساً کردلر ، ارمیلرک آمال مایه وروسلرک افکار استیلا کاریلرینه حقیله واقف اولمادقلری کبی آلمانارک هندوسنده کیتمه سندنده ، هیچ شبهه سز ، علاقهدار دکل ایدیلر . ممالکیتلرنده دیدبشن قوتلرک بازیمجه آمالی اولدیلر . شمالی [۴] مشارالیه عشریندن افتراق تکلیفی اوزرینه ، سنجاردده همجه زاده لربنک یانه کیتمشدر .

کوردلک و کوردستانی یاشانه بیلامک

بک متین بر قاپ ایله استظار ایتدکاری مقدرات حیاتلری ایچون متزاید بر فعالیتله چالیشیورلر. عناصر سائره اسلامیة نکه ده مساعی و غیر تلیزینی عالی جناب بر قاپ ایله تجیل ایدرکن شسوکا امین درکه کورد، عرب، لاز، تاتار.. هر اسلام ناصل بر شکل اداره ده بولنورسه بولنسون قاپکاهنده خلیفه اعظمک سریر حرمتی یاشایه حق و دین مینمزک تأسیس بیوردینی بو رابطه مقدس اصلا خالدار اولماز و اولمایه جقدر .

فقط سامان نظیف بک کبی نه کورد، نه تورک اولان بر ذاتک دلسوز مقاله لرینک نه مقصدله یازلدینی بویله مؤبد بر ستره ظلمت ایچنده می قاله جق؟ . . محترم دینداشمنز تورک قوم نیچینک بر خطا نتیجه سی اوله رق گرفتار اولدینی کردباد سیاسته معصوم کورد قومی ده سورو- کلکده نه فائده حاصل اولایبایر!.. ایشته بونک ایچون در کولک ایسترکه ، کوردستان حقیقی آکلاسون.

برزنجی زاده

عبدالواحد

بر حقیقی تنویر

« علمدار » فزته سنک ۹ مایس ۳۳۵ تاریخی نسخه سنده ، رفیع جواد بکک امضاسنی طاشیان دارفاق بر افهام ، سر لوحه لی باش مقاله شویله بر فقره بی احتوا ایدیوردی :
« بالخاصه بو کونک اک مهم بر مسئله سی شکلی آلان تهجیر و تقتیل ایلک دفعه و انده وقوع بولدینی زمان عدالتک علمداری اولان مأمورین عدلیه جنایات و جرائمک هجومه معروض قالان عدالتی مدافعه ایتمکله مکلف ایدی . »

فلا کتله بو خجله دن واضحاً آ کلاسیلان ندر ؟

تهجیر و تقتیل ایلک دفعه و انده باشلامش ، یعنی آرمینیلر تهجیر و تقتیل ایدلمش . او وقت مدعی عمومی بوایشه مداخله ایتمه لی ایمش . . بو سوزک دیگر یوزی شویله در : ایلک دفعه ظلمه ، معروض قالان آرمینیلردر ، یعنی مسلمانلرد بر شی اولماش ، تهجیر و تقتیله معروض قالامش لردر .

محروک مرادینی بوندن باشقا صورتله تأویله ، تفسیره ، ترجمیه امکان وارمیدر ؟ مملکتیمه عائد بر حقیقی کذب و ریادن تمیزله مک ایستدم: یعنی و انده بدایه و انتها - تهجیر سز - تقتیله اوفرایان مسلمان همشهر لردر ،

ایستر شخصی

خصوصاً ایدن، ایستری مللردن دولایی اولسون بر شخصه و ملتیه قارشی خصومت کودمک ذهنیتیمزک قبول ایتمه جکی بر شیدر . اورتاده بر قاج کیشی ویا بر کتله بی - بر فائده اخلاقیه و انسانیه سی اولمادن - مهم وزبون کورمکدن ده هیچ بر صورتله بر ذوق دویمایز . مساعی ملیه مزیده نهایت « خادم حق و انسانیت » اولمق غایه سنه خدمتکار ایتمشدر . بوکا امنیت بیورولسون .

آنجا ، علمدار سر محرری ، وان خلقه ، دولایسیله انسانیته تعلق ایدن صریح بر حق ، (حق مظلومیتی انکار ایتدیکی ایچون کندیسنه آشاغیده صورتی درج ایتدیکم مکتوبی کوندردم . غزته حیلک شرفه توفیق حرکت ایدرک تصحیح نامه می درج ایده جکنی امید ایتمک حقم ایدی . علمدار بو محق و لازم جسارت و حق پرورلیکی کوستر مه دی . بو طور لاقیدی استانبول غزته لرندن بعضیلرینک - سرور احرار اولمق اوزره کینلرک بیله -

کوردلر ایچون نه قدر حق مدافعه یعنی حق تنفس
طایند قلوبینه بر مثال ده اولایلیر، عبرت آله حق
بر مثال حزین . . .
وان ، وانیلر بو حربده نذر چکدی ،
ناصل چکدی؟ قسمت اولورسه بونلری ده زمانده
- ینه آنجا قصد انسانیتله و تفرعاتیله- انسانلره
عرض ایده حکم؛ بلکه دیکم اوزمان، حق تنفسک
طایندی دور سعادتدر .

۱۷ مایس ۹۱۹ ۰۲ سلیم بکی

علمدار باش محرری رفیع جواد بک افندی یه

محترم افندم،

درت بش کون اولیکی « اوفاق بر افهام »
سرنامه لی مقاله کزده تهجیر و تقتیلک ایلمک
دفعه و انده باشلادیغندن بحث بیوریوردیکیز .
مسقط رأسمه ، و اونک قسماً نابید و قسماً
تارمار اولمش صاحبزینه متوجه بر ضربه افترا
ماهیتنده اولان اوفقره کزه بو قدر وقت
کچمه دن ، حتی دقیقه سننده جواب ویرمک
بورجم ایدی ؛ ضرورتدن تولد ایدن بو تأخر ،
بکا کافی درجه ده عذاب وجدانی ویرمکه
حق کلامی مرور زمانه اوضرامقدن مصون
بولدیرمشدر ، امیدندیم . حسن ظن ایله
مأمور و برائت ذمت اصل اولدینی قاعده سنه
رعایتکار اولدیغیم ایچون (وان) ه تعلق ایدن
فکر یکیزی بدایه حقتک لهنه تاویل ایتمک
ایستدم ، یازیق که موفق اولامادم ؛ چونکه
بویله بر مقصودیکیز اولسایدی، مدعی عمومینک
مداخله سنی طلبکیز (لغو) اولاجقدی و چونکه
ظالم و متصدی اولانلر فعلاً قلمرو عثمانی
و حوزده سنده دکلدیلر . بو حالده مدعی عمومینک
ایشه وضع ید ایتمه سی ده بی معنی اولوردی .

بناء علیه ، ذات عالیکنز ، تهجیر و تقتیلک
وانده باشلادیغی سوزیله و دلیل غیر وارد ایله
صراحة اتحاد حکومت منحوسه سنی اتهام
ایتمک ایسته سه کزده مستراً و فقط بک حقسنز
اولاراق وانیلر ده بی انصاف بر مشته تهکم
فیرلاتیورسکیز .

فقط ، رفیع جواد بک افندی ، ذات
عالیکنزی شیمه انصافله متحلی فرض ایده رک
و ائک خالص بر صمیمیتله ادعا ایدیورم که بونده
حقسنز و یا مخطیس یکیز . و - مع التاثر - بن
بو مثللو سوزلری بو کون بزى قیوراندیران
و دینک آلتنده مجهول وقایع صاقلایان قوته
و یایغاراچی بر حقسنز لغه یارانمق دن باشقا بر مقصد
نفعه و یا خیره حمل ایده میورم .

قوتی دیکله مک ، حقسنز لفی دیکله مک ،
یایغاراچی دیکله مک ؛ عصمتک ، حقتک ،
فریادینی بو غمق و ملک قدر معصوم اولولرک
و اولو یاشایان بدبخت کیمسه سزلرک حق
و ناموسلارینه یامان بر کرز تحقیر ایندیرمکدر .
سویله دیکم و سویله حکم سوزلری رد ایتمک
ایچون قوی بر احتمال وار : بکا اتحادچی
دامغاسی اورمق . . . قوت و ظلمنی قورقوتماز که
اصلسز بر اتهام صاقتدیر سین . . . یالکنز امین
اولما کز کایدیر که بنی الیوم اتحاد جیلقدن و اتحاد
دماغیتندن اوزاقلاشدیران و ماضی سده ده
شدتله اوزاقلاشدیرمش اولان قوه دافعه
سزگیکیلردن بک قوتلیدر . و بعضیلرینک کی گیبی
یالکنز حسابات خصوصیه دن انبعاث ایتمش ده
دکلدر . قیصه جه شونی دیمک ایستهرم :

تهجیر و تقتیلک ایلمک دفعه و انده باشلامش دکلدیر .
حتی - سزک و هممزک مراد ایتدیکمیز
معنا ایله - و انده تهجیر و تقتیلده اولمامشدر ،
بالعکس ناکهانی بر سیل آتشین کبی زوالی

کنجاکنک لایموت بر شمال موجودی ،
 اولاد لرندن حیات ورها بکله بن کورد ملتک قوتلی
 بر امید و مکتبی ایدی .
 کرجه کرد ماتی ایچون اولوم و سفالت
 کتیره ن حرب سنه لری اونک ده سسنی کسمش .
 مظلم و الیم بر اداره ، قامنی صوصدرمشدی
 فقط هی وی ؛ درت سنه قارا کلقلرده یانان
 مشعل امیدنی قلبنده ، دیکله نه بن حق حیاتی
 روحنده صاقلامشدی .

بو کون کرد ملتک فعال و جوال کنجاری
 عین عشق و ایمان ایله چالیشان زمرة منورانی
 بو حق حیاتی دها کور و قوتلی سسله ایسته یجک
 کورد ملتک رفاه و سعادت ، تکامل عرفانی
 ایچون دها بیوک عزم و ایمانله چالیشه جقلردر .
 ایسته بو مقصد و ایمان اطرافنده طوپلانان
 کنجلر هی وی پی احیا ایتمشر ، هیئت اداردنی
 انتخاب ایهرک دها مسعود ، و امنیت بخش
 بر ساحده یورومه یه قرار و یرمشاردر . کرد
 کنجاکنک و طیفه سی بوزمره عرفان اطرافنده
 طوپلانمق ، چالیشمق ؛ کورد ماتی ایسه کندیلاری
 ایچون چالیشان اولاد لرینه لندن کادیکی قدر
 یاریم و معاونت ایتمکدر .

ت . ح

× کوکل ایسترکه ! . . .

درت بیک سنک بر ملت - بلنک اوقدر
 استیلابه رغماً - تمثیل ایلامش بر ملت ایکن
 شو جهان شمول تسویه حساب اقوامده نصیب
 حیاتی ایستنه بن ، حق حریتی محکمه جهانده
 مدافعه ایچون عنصرینک اننجیب ، اک علوی
 سبائزینه ، اولاد لرینه استناد ایدن کوردستان
 قارشیدنده اوله یابانجی دشمنلر کوریهوردک

بناء علیه ، ذات عالیکنز ، تهجد و تهجد
 کندمزی حیرتله ایچنده کوریهوردک .
 ظاهرده کوردلری ترکلشدیرمک ، حقیقه تده
 معضوم بر ملتک حیاتی بازبجه یابان بوشردمه نک
 حریت فکریه لرینه ، تعقیب ایستکلری غایه یه
 هجوم ایده جک دکلم .
 بن بر فردی ، بر اولادی ارلدیغم ملتله
 حسبحال ایتمک و اونک علیمنده تشکل ایدن
 جمعیاتک ، اشخاصک صورت حقدن کوزوکن
 سهام زهر افشانک انصافسز تجاوز اتندن قورومغه ،
 ایقناط ایتمک چالیشه جغم ، هیچ شهسز متفکر
 طبقه سز بو حقیقتی بندن دها ای بیلدکلری
 ایچون سوزم خاق ایچوندر . کوکل ایسترکه :
 هر کورد کندنی اطرافنده کندنی مقدراتی ایله
 اوینایان ، کندنی استقبالی استخفاف ایدن
 دشمنلرنی طانیسون .

درت یوز سندن بریدر دوچار اولدقلری
 مظالم : قالدقلری ظلمت جهل ایچنده کندیلرنی
 دها اوزون بر زمان بدبخت و نورسز بر اقفه
 چالیشان شوییکانه آملره بوتون غیظ ماییت پروریه
 بوتون تهور حمیتله بوکانسون و دیسون که ،
 سز لرکه دائرة ملیت سزدن . طرود - یاخود
 کندیلر کزدن منفعت ذاتیه کنز ایچون چیقمش
 - سهالرسکیز ! . . نه حقیقه مقدراتمز ایچون
 تیتیریهوردکسکیز .

کوردلکنک سائق علویسیلا ، ماتی ایچون
 مقدراتی فدا ایتمش شریف پاشا حضرتلری
 کبی کوردستانک نجیب و بلند اولادنی ارمنی
 منفعتینه اتهام ایتمک قدر سفیل بر افترا پر نور
 و درخشان بر ناصیه لیکدار ایتمز ! . . کوردستانک
 یلدا ای محیطنه بر فجر کاذب کبی گاه کاهه مقاله لر
 بیاسناملر نشر ایده رک دین پرده سی آلتندده
 پروپاگاندا یه چالیشان بو کبیلرک منویات ضمیری
 بویله سریع الزوالدر .

و بقیه سی و کون کوزلر مزك كه كنده اولو باشايان مدعی حنارینك بو حقمسز لقلره قارشى نددوشو- ندكلارینی دوشونبورمی یز ؟

او ارواح نایقه و فایهیه بواها منزله- اوندن واز کچلم- بوجاهل، غیر جاهل افترالر مزله بر بویوك ظم داها باید یغمزك فوفنده دکلی یز ؟ آزامزدن ناخشنود کوچش اولورله اضطراب ویرمکدن چکینمز سه کده، باری بوباشایانلره قارشى اولسون اشکنجهلی بر سهیای تمسخر کوسترمیلم. اوزونلغنه غزته کزده دولدیر اجنبی بوش فضلانه باقله ایارق بوسطرلرمی- جوا بیلده اولسه- عیناً درج استدریر سه کن حق ایچون برعلوی ظرفدارلق و حقتشناسانه بر مسلکداشاق و سلسکپرورلك کوسترمش اولورسکیز، بنده مع الاحترام متشکر قالمش اولورم محترم اقدام.

۱۴ مایس ۹۱۹ وانی

م. ساسیم بکی

باسمه سبحانه نستل احسانه

الحمد لله خالق الارض و فاطر السموات الذی دلت علی وحدانیته كافة الذرات و نطق بوسعة علمه و کمال قدرته جمیع مافی الکائنات لاسیما الانسان الممتاز من سائر الحیوان بموهبة العقل والبیان المتشعب الی شعب و قبائل کما اقتضته حکمة التعارف بالبراهین والدلائل .

والصلاة والسلام علی اکمل الرسل و افضل الخلوقات مخزن الهدایة و منبع السعادات و علی آله الطیبین و اصحابه الطاهرین و بعد فالمعروض لیدی حضرت الناظرین و القارئین من الفضلاء والعارفین أن مارثینا و ماضی هالینا فی هذه البلیة العظمی من الخوف والجوع والعطش کالتسئل فی دیار الغربة و ذهاب المال و ترک العیال و هدم البیان و یتیم الصیان و غیرها مما لم یکن له

همشهرلرمی و - بر انسان صفتیله - ذوالالی همجنسلرمی محوایدن مظالمک اوناردن نه قدرینی اولومونه فدخی بوکونه ده کین جان چکیشدیره بر سفالته سور دکله دیکلی هیچ مراق ایدوب او کره ندیکیزی؟ و انده تهجر و تقیل دنیان شی اولدیمی؟ و کیملر حقننده اولدی؟ بونی آکلامق ایچون بنم سزدن فضله لغنتخوان اولدیغ اتحاد حکومتک آله بولونان یکانه اثرینه، دیگر و نائق رسمیهیه و هر جنسدن بی طرف ذواتک افادانه اینا نمازسه کز بیلده، او ماعون هیئتک حرص و غفاتی او غورینه سرحد عثمانیده ایلك آتسه ایلك هدیدلر اولان همشهریلر مک او یوکسک انسان و خالص مسلمانلرک بقیه السیوف سفالتندن بش، اون، یکرمی، یوزینی، ایسته دیکیز قدرینی دیکله بیکیز، ار نلری استشهاد ایتمزسه کز بیلده استنطاق ایدیکیز. عجباً بو اتحاد نظامز دکانه ده (اتحادجی) و یا (پرورده اتحاد) و ناموسلرینه ده (اتحاد محصولی) می دیه جکسیکیز و یادیه جکیز؟ بوسوزلرم، بلکه سزده و انایلره حاند برحقی توضیح ایتمکدن زیاده اتحاد جیانلک بر فضیحه سنی انکار ایتمک حسنی حاصل ایدره. ایش اوراده دکل . . .

فقط اولعین و مهین تأسیسه الدن کان بددعالری ایدره کن و حقمسز بر یا یغاریه یار انیرکن وان سو قافلرنده یانان، ییقیلان او جاقلرک دیوارلری آتنده، وان کولنک مظالم درینا ککرنده، بتلیس، طاظوان بوللرینک دیکنلی، طاشلی او چوروملرنده قورقونج قایاقلرنده، یالین آیاقلرله، یاریسنی یارالی آیاقلرینه صارغی یایدقلری لیه لیمه البسه لرله، آج و یا اوتله اووتلش معده لرله، قاحق ایچون سورونورلرکن... ظالم قورشونلره شکار، مفترس هوسلره غذا اولان کنج، اختیار قیز، قادین، او معصوم اولورلرک

عليه جملة من الآيات الجليلة و كثير من الآثار النبوية كان السعي لازما و واجبا لعموم الناس في كافة الاعصار و الازمان الا ان لزومه يتفاوت بحسب تفاوت درجات الاحتياجات و اظن ان لا احد من الاقوام اشد احتياجا من معاشر الاكراد ومع هذا (نستعين بالله) لو صرنا ايتاما بالمفارقة عن ام مملكتنا التي تربينا فيها و تنعمنا من جبالها و فلاتها و انهارها و اشجارها و اثمارها و عيونها و حياضها و ازهارها و بقاعها التي تلطخت تبرابها رماد عظام آبائنا و اجدادنا و دفنت فيها اجساد مشايخنا و اساتذتنا و بنيت فيها مساجدنا و مدارسنا و التكايا و سائر آثارنا الخيرية للمنافع العمومية فأى شئى يكون اكثر آفة و اعظم بلية و احقر مذلة من هذا ! . . .

و طريق النلافى لمافات و العسوان عمايجي من الآفات انما هو الامل و السعي و الثبات كما تأمرنا بها الآيات الينيات و احاديث سيد السادات . فان تكاسلنا كما كان كما هو دأبنا الى الآن فلا يكون لنا حق حياة فيما بين الملل و الاجتماعيات و نكون مغلوبين من جميع الجهات و من المعلوم أن المغلوبة كما انه سالبة للاخلاق و العادات فكذلك مؤثرة في الديانة و العبادات و لذلك ترى كثيرا ممن هو داخل تحت عنوان المؤمنين ليس لهم حصصة من الاخلاق و الدين حفظنا الله من شرور هذا الزمان بملازمة الدين و القرآن . آمين

بحرمة سيد ولدعدنان

آرواسى زاده
محمد شفيق

ای گلی کردان

بزائن ای ملا و شیخان آغا و تاجر و اصناف دريغا ملك روم روي پرى بوملحد و اجلاف لداگل يك اتفای کن خريک علم و عرفان بن دترسم ساخذانی کا اسير قوم ديكر بن

محل و تصور في الازهان كل منها درس عبرة و تعلم حكمة لذى بصيرة و خبرة ، فحينئذ لا بد من التنصح و الاعتبار و التضرع و الالتجاء الى الملك المتعال . ثم المعروف ان هذه التفرقة بين الملل الاسلامية لما كانت جريحة غير قابلة للالتيام في هذه الازمنة و الايام فلا بد لكل مائة منهم ان لا يداوموا على العطالة و البطالة كما كان و ان لا يقعدوا في ورطة اليأس و الحرمان بل ان يسعوا و يجهدوا كل السعي و الجهد في كافة الاحيان لان ما لا يدرك كله لا يترك كله . لاسيما منهم الاكراد فأتم الذين صاروا هدفا لجميع انواع المصائب و المظالم و الشدائد و الحن فهم اشد احتياجا الى السعي و الغيرة و الهمة كيلا يكونوا تحت اقدام المذلة و لذلك قد تأسست جمعية متشكلة من الامراء و الاشراف و العلماء تحت رياسة سيدنا الشيخ سيد عبدالقادر لابرار الموجودية للاملة الكردية و محافظة حقوقهم يائبات كثيرة نفوسهم و وسعة مواظهم و بيان احوالهم الماضية بالحقايق و الدلائل التاريخية و بأدعاء استحقاقهم لتفويض مقدراتهم لما فيهم من المزايا كالسخاوة و الحماسة و الغيرة و الصداقة و غير ما ذكر من آدابهم الدينية و عاداتهم المالية فالمرجو من كمال هممتكم و تمام غيرتكم ايها القارئون من علماء و شرفاء و فضلاء الاكراد ان تشمروا اذيال التهاون و اكمام التسكسل و التواني و تجهدوا كل الجهد في ارشاد الغافلين و ايقاظ النائمين و اتحاد المتفرقين و انعقاد الاخوة الاسلامية فيما بينهم بترغيبهم على التخلق بالاخلاق الحميدة الحمديه و تشويقهم على السعي في المنافع العمومية و تنفيرهم عن الاضرار و الحسد و النفاق و الشقاق و غيرها من الحصائل الدنية و المنافع الجزئية الردية .

ولكون هذا العالم عالم الاسباب . و السبب الموصل للمريد الى المراد انما هو السعي كما يدل